

No tana parau hoi a Paraita ra, i te aera to le Apoo raa, e ua hapa mau a ratou ; maiti fashou ihora ratou i na taita toroa. Teie na taita i maiti hia.

TATI, peretiteni.
TAIRAPA, peretiteni fauturu.—
PEE,
TUUHIA,
HOAORE,
MAHEANCU,

Na papai parau.

E ia oti tei reira, ua faaau hia i hora e, e te monire haaputupu faahou ai; e teie te ohipa i haapao hia no tei reira mahana; e imi i te tia raa e te tia ore raa te maiti raa i te feia iriti ture; e te parau atoa hoi, ei faatitiaifaro i te mau haapao raa i roto i te fare-iriti raa ture.

Apoo raa i te monire, 3 no maiti.

Peretiteni raa o TATI.

I te avatea i afa i te Apoo raa, ua tau mai te papai parau i te ohipa i haapao hia no te mahana. I mi i hora to te Apoo raa i te tia ra, e te tia ore raa o te maiti raa o te feia iriti ture. Ua pii tatau hia mai ratou i mua i te aro o te peretiteni; e ia oti i te imi hia, ua farii tatau hia mai ratou e to te Apoo raa ei iriti ture.

Ia farii hia mai hoi te hoi ei iriti ture ra, ua hooa hia i te hoi parau iti iana ra, ma tona loa, e tona loa toroa i niaho. E ia oti tei reira ohipa, ua tia maira i te hoi Tavana no Paumotu, o Anahoa te loa, e ua parau maira ma te itoitoe e te matan ore. Ua parau mai oia e, aore roa i te Paumotu i haapao noa hia e mai to Tahiti, e to Moorea i to hui. Ua parahi maiti hoi to Paumotu i roto i te Hau Tamaru, mai te tau mai o Bruat e o Lavaud, aore roa hoi ratou i faatupu noa e i te ino, e te peapea; no roto atoa hoi ratou i te fetii rahi Tahiti nei. E tubaa atoa hoi ta te feia toroa, toa i Tahiti, e i Moorea, e aita ta ratou; e ua ani hua mai oia ia faatuhaa toa hia ratou, mai to Tahiti atoa nei te hui.

Ua parau atura te e o te Tavana, e e ani raa ia paha tana; aita ra a te feia iriti ture e parau i te reira; no te mea, e ere ta ratou te moni e aufau hia nei; no Farani e ra; e ere atoa hoi ia ohipa i ta ratou, na te Auvaha ra o te Repupirita. E ia oti tei reira parau raa, ua maiti aera to te Apoo raa, i nia i te ani raa a Tairapa, i na iriti ture toopne, o tei faariro hia ei komite, o tei haapao hia ei komite biopos e ei imi i te mau parau atoa i tui hia i tu i mua i te aro o te Apoo raa. Teie na taata i maiti hia, o Mare, o Arahui, o Teina, o Nuterere, e o Ote.

Ia tae i te hora 4, ua opani te peretiteni i te Apoo raa; ma te faaite atu e, ei te avatea i te mahana piti haaputupu faahou mai ai ratou.

Apoo raa i te mahana piti, 4 no maiti.

Peretiteni raa o TATI.

I te avatea i afa i te Apoo raa, te ohipa no taua mahana ra, o te parau ia, no te faatitiaifaro raa i te maiti haapao raa i roto i te Apoo raa iriti raa ture. I mua e ra i te imi raa i tei reira parau, ua tia mai te e o te Tavana i nia, e ua faaite atu i to te Apoo raa i te hui mau o te ohipa a te komite i maiti hia; no te mea, te hui e ra te manao o vetahi mau iriti ture i nia i tei reira vahi. Ua faaite papu atu oia ia ratou e, aore taua komite ra i faatia hia ei faaore raa i ta ratou parau, e parau noa mai a ra ratou, e e faaite papu mai i to ratou manao e feia tiana nae hoi ratou, e aita te komite i faatia hia

ei faaore i tei reira. Ua faaitoitoe atoa i tu hoi oia ia ratou, e e faaite papu mai i to ratou manao, ma te matau ore, e te haapao ore i te hui o te faata.

E i muri iti ae, ua tomo atoa maira te Tavana, e ua faaite i taua parau no te ani raa a Anahoa; e parau roa tana, eita e o ionei, e nenei hia ra i nia i te hoi maiti parau e; i te hopea ra o taua parau, ua faaite papu mai te Tavana i tona mauru, i te parau itoitoe, e te matau ore a Anahoa; e ei faaite raa i tona mauru, ua faaitoa roa oia iana, ei Auvaha parau no Paumotu, e e aufau atoa i tu hoi oia i te moni toroa nana i te mau avae atoa.

E ia oti tei reira parau, o tei faaroo hia mai e to te Apoo raa i toa ma te oiaa rahi; ua faatia to te Apoo raa i te pene I o te parau, no te faatitiaifaro raa i te haapao raa i roto i te fare iriti raa ture. Raverahi te feia orero i parau mai, e o Mare atoa hoi, o tei faao mai i te hoi vahi iti i roto i te irava o taua parau ra, o tei faatia toa hia hoi e te feia iriti ture. Teie taua vahi iti ra, ia faau-

faatia hia toa hoi i haapao raa mai to te Apoo raa i te pene II o taua mahana i te rave raa i te ohipa a te Hau.

Opani hia i hora te Apoo raa e te peretiteni, o tei faaite atoa mai hoi e, o te pene II o taua parau ra, te ohipa e imi hia ia poupoi ae.

FAAORE RAA TOROA.

Ei haamana raa i te haava raa i taua hia e te mau Toohitu, i te avae ra o iaunari i mairi aenei, te faaore hia nei te toroa o Paooa, haava no Papeuriri.

Te faatira mutoi hoi no Faao, o Tane te loa, ua haava hia ia no te taero aia, e ua faatua hia i te ohipa na te Hau, 15 mahana i te rave raa, ua faaore atoa hia hoi tona toroa.

L. I.

NO TE TAOA A HUTONA

TEI POHE I TE MAHANA 18 NO TEIENEI AVAE.

Te mau taata toa, e tarahu ta Hutona ia ratou ra, te parau hia i tu nei ratou e, e aufau oioi i taua mau tarahu ra i teienei a tau mahana. O te mau taata hoi, e tarahu ta ratou ia Hutona ra, e haapeepa mai ratou i teienei a tau mahana, e faaite i te fare o te Tonitara Baratane ra.